



Broj: 02-04-27990-13.1/26
Sarajevo, 26.05.2026. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 65/13) i Zaključka Vlade Kantona Sarajevo broj: 02-04-27990-13/26 od 26.05.2026. godine, a u postupku imenovanja na pozicije u Nadzornom odboru privrednog društva u kojem Kanton Sarajevo ima pravni interes i u kojem prema važećim zakonima i propisima ima zakonito pravo da vrši nominaciju odnosno imenovanja, Vlada Kantona Sarajevo, na **130. sjednici održanoj 26.05.2026. godine**, donijela je

JAVNI KONKURS
ZA IZBOR I NOMINOVANJE DVA ČLANA NADZORNOG ODBORA ISPRED
DRŽAVNOG KAPITALA U PRIVREDNOM DRUŠTVU
„BAGS-ENERGOTEHNIKA“ D.D. VOGOŠĆA

I Predmet javnog konkursa

Objavljuje se javni konkurs za izbor i nominovanje na upražnjene pozicije članova Nadzornog odbora ispred državnog kapitala u privrednom društvu, i to:
- „BAGS - Energotehnika“ d.d. Vogošća – dva (2) člana.

II Opis pozicije

Predsjednik i članovi nadzornog odbora nadgledaju rad i učinak uprave, izgrađuju i razvijaju odnose između nadzornog odbora, uprave, dioničara, investitora i drugih sudionika, a naročito prilikom donošenja odluka kojima se utiče na vrijednost kapitala društva, raspolazu imovinom i kapitalom društva ili utvrđuju strategiju društva, razmatraju i usvajaju finansijske izvještaje uprave društva; predlažu raspodjelu i način upotrebe dobiti, s pažnjom i pravičnošću se odnose prema interesima zaposlenika, povjerilaca, kupaca, dobavljača i lokalne zajednice; sprječavaju i rješavaju sukobe interesa; zastupaju interese vlasnika kapitala; uspostavljaju sistem interne kontrole i monitoringa nad internom kontrolom i obavljaju druge poslove u skladu sa Zakonom o privrednim društvima Federacije Bosne i Hercegovine („Službene novine Federacije BiH“, broj: 81/15 i 75/21), drugim zakonima, propisima, Statutom Privrednog društva i Poslovníkom.

III Mandat

Mandat člana Nadzornog odbora je četiri (4) godine, uz mogućnost ponovnog imenovanja u skladu sa zakonom, s tim da članu nadzornog odbora koji je imenovan na upražnjenu poziciju u Nadzornom odboru mandat traje do isteka mandata članova Nadzornog odbora koji su imenovani prilikom imenovanja cijelog Nadzornog odbora.

IV Uslovi za poziciju

a) Opći uslovi:

1. da je stariji od 18 godina,
2. da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine prije dana objavljivanja javnog konkursa za upražnjenu poziciju,
3. da se na njega ne odnosi član IX. 1. Ustava Bosne i Hercegovine.

b) Posebni uslovi:

1. da je državljanin Bosne i Hercegovine,
2. da je stekao diplomu visokog obrazovanja najmanje VII stepen stručne spreme, odnosno diplomu visokog obrazovanja prvog ciklusa koje se vrednuje sa 240 ECTS bodova ili diplomu drugog ili trećeg ciklusa Bolonjskog sistema studiranja,
3. da je stekao najmanje pet godina radnog iskustva u struci nakon sticanja diplome visokog obrazovanja iz tačke IV. b) alineja 2.,
4. da posjeduje certifikat o završenom usavršavanju u skladu sa Uredbom o usavršavanju predsjednika i članova nadzornih odbora i uprava privrednih društava sa učešćem državnog kapitala iz nadležnosti Kantona Sarajevo („Službene novine Kantona Sarajevo“, broj: 34/19). Ukoliko kandidat ne posjeduje certifikat, dužan je dostaviti izjavu, ovjerenu kod nadležnog organa, kojom se obavezuje da će u roku od šest mjeseci proći stručno usavršavanje i steći certifikat o završenom usavršavanju, odnosno dostaviti certifikat o završenom usavršavanju izdat od ovlaštenog organa bilo kojeg nivoa vlasti u Bosni i Hercegovini.
5. da nije osuđivan za krivično djelo u vezi sa dužnosti u nadzornom odboru, pet godina od dana pravosnažnosti presude, isključujući vrijeme zatvorske kazne,
6. da nije lice kojem je presudom suda zabranjeno obavljanje aktivnosti u nadležnosti nadzornog odbora,
7. da nije na funkciji u političkoj stranci,
8. da nema privatni/finansijski interes u privrednom društvu u čiji se nadzorni odbor kandiduje,
9. da nije direktor ili član uprave privrednog društva,
10. da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine („Službene novine Federacije BiH“, broj: 70/08),
11. da nije lice kojeg isključuju odredbe Zakona o ministarskim, vladinim i drugim imenovanjima Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 65/13),
12. da nije lice kojeg isključuju odredbe Uredbe o vršenju ovlaštenja u privrednim društvima sa učešćem državnog kapitala iz nadležnosti Federacije Bosne i Hercegovine („Službene novine Federacije BiH“, broj: 20/16, 3/17, 9/17, 69/17, 96/17 i 101/22),
13. da nije lice kojeg isključuju odredbe Zakona o privrednim društvima („Službene novine Federacije BiH“, broj: 81/15, 75/21)
14. da ne postoje druge, njemu poznate, zakonske smetnje za obavljanje poslova u nadzornom odboru u koji se kandiduje,
15. da posjeduje znanja i sposobnosti razumijevanja poslovnih izvještaja i poznavanje propisa iz oblasti privrednog prava i nadležnosti i dužnosti organa upravljanja privrednog društva,
16. da posjeduje sposobnost prepoznavanja, zastupanja i zaštite interesa privrednog društva uz uvažavanje interesa drugih zainteresovanih sudionika,
17. da posjeduje sposobnost za savjesno, odlučno i odgovorno obavljanje povjerene funkcije i nepristrasno donošenja odluka,
18. da posjeduje komunikacijske i organizacijske vještine uz sklonost timskom radu,



19. da je ostvario pozitivne rezultate rada ostvarene tokom karijere.

V Dokumenti koje je potrebno priložiti uz prijavu na Javni konkurs

Potpisana prijava kandidata treba da sadrži kraću profesionalnu biografiju, adresu stanovanja i broj telefona za kontakt.

Uz prijavu potrebno je priložiti:

1. izvod iz matične knjige rođenih;
2. ovjerenu kopiju CIPS prijave prebivališta (ne starije od šest mjeseci);
3. uvjerenje o državljanstvu (ne starije od šest mjeseci);
4. stečenu diplomu visokog obrazovanja u skladu sa navedenim u tački IV. b) 2.;
5. potvrdu / uvjerenje o radnom iskustvu na poslovima visoke stručne spreme u trajanju od najmanje pet (5) godina prije objave javnog konkursa, izdanu od strane poslodavca kod koga je stekao iskustvo ili uvjerenje Federalnog zavoda za mirovinsko i invalidsko osiguranje o podacima registrovanim u matičnoj evidenciji sa naznakom šifre zanimanja;
6. certifikat ili izjavu iz tačke IV. b) 4.;
7. ovjerenu izjavu o ispunjavanju općih uslova iz tačke IV. a) 2. i 3.;
8. ovjerenu izjavu o ispunjavanju posebnih uslova iz tačke IV. b) 5. do 14.
9. ovjerenu izjavu podnosioca prijave, kao nosioca podataka, da je dobrovoljno i slobodno priložio prijavu na javni konkurs i traženu dokumentaciju, i da slobodnom voljom daje saglasnost i svoj pristanak da se njegovi lični podaci obrađuju u svrhu provođenja ovog javnog konkursa.

Dokumenti koji se prilažu uz prijavu na Javni konkurs moraju biti originali ili ovjerene fotokopije. Dostavljeni dokumenti se ne vraćaju kandidatima.

VI Ostale napomene

Komisija će razmotriti sve potpune i blagovremeno dostavljene prijave i sačiniti listu kandidata koji su ušli u uži izbor.

Kandidatima koji su uvršteni u listu sa užim izborom biće upućen poziv na intervju kojim će, se uz ostalo, provjeriti ispunjavanje uslova iz tačke IV. b) 15. do 19..

Neposredno prije intervjuja kandidati su dužni popuniti obrazac u kojem će iznijeti bilo koje pitanje koje bi moglo dovesti do sukoba interesa u slučaju njihovog imenovanja.

Nakon obavljenog intervjuja komisija će sačiniti listu kandidata koji ispunjavaju kriterije za nominovanje i pismenom preporukom Vladi Kantona Sarajevo dostaviti listu sa najbolje rangiranim kandidatima, na razmatranje i dalje postupanje.

Kandidati koji su ispunili kriterije za nominovanje dužni su dostaviti:

- uvjerenje nadležnog suda da se protiv kandidata ne vodi krivični postupak (ne starije od tri mjeseca od dana objave javnog konkursa);
- uvjerenje nadležne policijske uprave da kandidat nije osuđivan za krivično djelo nespojivo sa dužnošću u nadzornom odboru (ne starije od tri mjeseca od dana objave javnog konkursa).

Ovaj konkurs se objavljuje u dnevnom listu „Oslobođenje” i „Službenim novinama Federacije BiH”.

Konkurs ostaje otvoren 15 (petnaest) dana od dana posljednjeg javnog objavljivanja.

Prijave sa traženom dokumentacijom sa naznakom: **„Prijava na javni konkurs za izbor i nominovanje za imenovanje članova Nadzornog odbora u privrednom društvu „BAGS-ENERGOTEHNIKA” d.d. Vogošća, ispred državnog kapitala – NE OTVARATI”** dostavljaju se poštom preporučeno ili neposredno na protokol Kantona Sarajevo na adresu:



KANTON SARAJEVO
Komisija za izbor i nominovanje kandidata za članove Nadzornog odbora ispred državnog
kapitala privrednog društva „BAGS-ENERGOTEHNIKA” d.d. Vogošća,
Ulica Reisa Džemaludina Čauševića 1, 71000 Sarajevo

Nepotpune i neblagovremene prijave neće biti uzete u razmatranje.



PO OVLASTENJU PREMIJERA

Ministrica Softić Kadenić Darja

Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Premijer Kantona Sarajevo,
4. Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo,
5. Za objavu u „Službenim novinama Federacije BiH“ (putem Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo),
6. Evidencija,
7. Arhiva.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-000, Fax: + 387 (0) 33 562-076
Web: <http://vlada.ks.gov.ba>, E-mail: vlada@vlada.ks.gov.ba